

藝文志

詩錄

朝天隄

宋李翔

兩山吞浪白如烟忽見橋梁接岸邊已是築成堤上路不須重喚  
渡頭船千年野鶴歸華表百尺長虹駕巨川歲物已收人力暇閭  
閻爭頌使君賢

白雲洞

王賓

石路無塵瑞草生樵歌斷續夢難成對花且酌尊前酒刻石空留  
興國州志 卷三五 詩錄  
身後名百折藍輿松徑滑數聲幽鳥露華清碧山明月中秋夜富  
貴浮雲去就輕

銀山

王質

但聽清圓不覺喧松床紙帳腹便便草深稚子爭烘日樹暖蜂雛  
懶趁烟無事石牀頻打睡有時村店暫逃禪尋花問柳山前後隱  
隱鐘聲暮已傳

銀山鐵壁

國朝吳甫生

精華不與衆山同寶氣常浮映碧空一躍洪爐流液白九還仙竈  
化丹紅月移清影孤松下雲渡奇花半嶺中望去莫教貪者識東





坡題後幾人雄

小箕山

盧高

搜奇萬仞逼清虛石穴新鐫玉宇書怪得山靈深秘惜卻將風雨  
滯遊車

曉登顏子山絕頂

明吳國倫

凌晨躡飛巒海日射天表三楚其在茲眾山亦何小襟袂生流雲  
巖藂息過鳥何當遂巢居勿為塵緣擾

鳳棲洞

楊儒營

彩石懸巖文在茲丹山不道羽毛奇飲泉食竹長幽地授璽啣圖

興國州志

卷三十五

詩錄

二

須盛時

又

秦鰲

嘗聞陽羨多名洞咫尺蘇常隔齊宋今朝冒雨遊鳳棲賞心幸遇  
良朋共欲描奇勝諒匪能麤敘經由聊自誦石門垂蘿結簾櫳禪  
窩穴壁開牖甕紫綃黃羅天染成珠宮貝闕誰梁棟仙掌高懸指  
節明玉笙細吹商音動中有峯巒勢轉奇相傳普陀名亦中萬態  
似經斤斧琢千巖若有風雲擁霞標旁列偃復起天柱崔巍伯與  
仲地雷還疑鉦鼓振霜鐘恍惚瑤琴弄鸚鵡臺空事已非丹爐灰  
冷人猶哄海底魚遊意自如澗中魚躍誰能控雲海茫茫留野心



雨山漠漠推征輓望月盈盈碧海犀朝陽噦噦丹邱鳳遠峯淡淡  
雪初晴叢林葉葉春方縱紙衣真人骨應朽白面書生情猶重列  
炬攀藤渡石梁側身入磴窺山縫始悟長庚勞秉燭卻笑張翥發  
哀慟便欲移來獻上方擬作當年怪石供無逸幽風豈宜此只應  
麋鹿野人用安得仙鳧生兩足日夕飛來一吟咏與翁築石煉九  
還不羨軒裳與侍從

又

國朝 袁良恪

當日巨靈費斧斤形形色色不虛聞乾坤有意留仙窟一壁清涼  
鎖翠雲

興國州志

卷三十五

詩錄

瓦湖洞

吳國倫

我昔探竒至猶疑景未全豈知巖際屋翻礙洞中天束火穿雲竇  
飛觴抱乳泉靈宮自天造深入轉堪憐

何年疏地肺一徑取天台流水穿厨過飛雲擁座來石屏渾欲吼  
山鬼誤相猜變幻看浮世何如此泛舟

次韻

易應斗

何年開石竇一隙景俱全不道虛無地仍藏小有天雲心楮絳壑  
樹杪飛清泉點染丹楓色秋容轉自憐

無多靈勝處風景亦天台躡鳥穿雲入扶筇仄磴來羣龍應自伏



萬象豈須猜洞口新秋月流光照酒杯

涿洲

吳國倫

幾日清秋色沙頭樹已殘夾溪橫怒石擁棹落驚湍鴈侶俄相失  
鷗行轉自安前峯如別戟聊倚暮雲看

黃龍洲

吳甫生

滔滔富水入江流一臂東環勢盡收白浪銀隨晴雪捲黃沙金帶  
暮烟浮遙增爽氣吞雲夢靜抱清光射斗牛仙譏傳來如欲合賓  
身今在鳳麟洲

鍾山墨池

國朝張令聞

興國州志

卷三五

詩錄

四

偶經舊蹟想臨池勝概猶傳鍾傳遺壁蝕苔蒼無點畫雨添石溜  
更淋漓遊天一鶴歸何處戲海羣鴻覺在茲不是五靈重救活中  
郎筆法竟誰師

又

吳甫生

臨池高士遠流芳千載依然吐墨光水漾龍蛇煙送影風吹芹藻  
浪生香淋漓落紙人歸久磅礴揮毫客思長抱犢學書終異地鍾  
山偏喜屬元常

步高陵橋望北園懷古

周鐸

一抹殘霞染縹緗高陵風雨入斜陽綠荷池畔漁歌渺青桂亭前



燕子忙三徑野燒留醉客百城冷坐笑書狂英雄此後何能跡目  
斷遙天秋水長

捲雪樓詞

抑赴杭會試餞樓上遇黃衣道人  
執抑手曰子必中抑題樓壁曰

宋焦抑

軒冕儻來日貴賤未分時茫茫俗眼憑誰先知惟先生水鑑握手  
便許登雲梯十載燈窗下不負男兒酌流霞登捲雪覺天低甘公  
靈跡至今血食大江湄願助我胸中英物筆下走如飛斲蟾宮桂  
羅袖惹香歸

又詩

明白玉蟾

烟水蒼蒼古渡頭寒鴉噪罷纜方收泊舟鳧渚鷗汀晚夜入蘭宮

興國州志

卷三五 詩錄

五

桂殿秋綠葦黃蘆悲落日白蘋紅蓼鬪蒼洲冥冥千古於今夢浩  
浩長江不管愁雁陣歸時雲似幕風檣高處月如鉤驚濤飛起銀  
花舞萬頃寒光十二樓

川上樓

吳國倫

古臺官閣迥岩嶷浪湧天低水郭遙故國儘容舒覽眺此身兼已  
屬漁樵日高雲氣千山淨風起烟光萬井飄空外杳然聞玉篴仙  
人黃鶴坐堪招

川上樓晚眺詩

國朝余士檜

危樓浮水國暮靄正蒼蒼一望津梁濶其安烟火長湖光寒碧秀



山色晚霞翔縹緲飛雲淨清虛徹大荒

在茲閣

明石 炬

高閣峻嶒擁郡東仙源誰詫路難通烟橫雉堞占生聚氣接藜光  
辨鬱葱入坐諸生紛白馬清言吾道有冥鴻却憐舊雨人無恙肯  
放當杯入手空

又

仙閣憑空四望開登臨差得恣徘徊春歸綠樹頻啼鳥雨過千峰  
忽送雷永日同人還卜夜驚筵雄辨更徵才觥籌不負尋常酒老  
去何如少壯哉

興國州志

卷三十五

詩錄

六

又

易應斗

重湖飛閣鏡中攢直逼青冥傍斗看九柱危憑鰲脊穩入窗吞吐  
電文寒光聯象緯騰奎壁高並金莖濯玉盤只訝海天浮蜃氣樓  
臺幻結碧雲端

雨中望文昌閣

即在茲閣

馮之圖

積雨平湖萬綠渾堤楊岸草欲銷魂僧閒不管春歸去亭午烟收  
出閣門

水湖亭

桂南昇

面面青山擁縣亭登臨已識使君清且看春意隨人好曾惜花光



帶日明夢裏舊遊勞  
屐齒眼邊佳咏得  
詩名東風不解私桃李  
爛熳河陽似有情

映月亭

國朝 華國禮

社侶招攜酌野松  
談今話昔吐吞雄  
濃陰遶座浮光翠  
麗日穿巵映色紅  
一股蟲體忙萬蟻  
百鬚花粉亂千蜂  
謾嗟此日歌巴里  
別調豪賡興未慵

書富池驛壁

雷作霖

當年有客許題橋  
瘦馬長途久見邀  
白眼於人逢阮籍  
黃金何地築燕昭  
書留鐵壁從花覆  
魂散天門覓句招  
萬里君恩何所恃  
晴

與國州志

卷三十五

詩錄

七

江明月舊詩瓢

花潭夜泊

盧秀

出門身卽客  
事事若天涯  
野水帆難定  
初冬日易斜  
疎鐘寒鴈陣  
遠火隔漁槎  
何意辭家始  
閉潭夢落花

南市夜泊

劉世系

獨泛孤舟去  
愁心夜可憐  
湖平鷗掠水  
岸曲柳藏烟  
野哭亂吟角  
漁歌聞扣舷  
星星雙髻短  
飄泊尙依然

昭勇祠

高賓

炎劉運阻燄銷光  
老瞞眦睨膽目張  
江東討逆志肅將  
天與輔佐



搯其吭桓桓將軍守大陽執符稟令來帝旁威驅雷霆氣飛霜負  
旄帶鈴驚四方機投意合魚水忘所向披靡全無當瑜蒙遜肅相  
頡頏功成鼎立聲煌煌長驅席卷志未償瞥然騎龍歸帝鄉英風  
凜凜不俱亡下憐澤士時回翔遺休餘澤滿湖湘保民護國靈貺  
彰調雨順風時泰康奔走禮向來梯航皇明有道獎忠良擊鐘考  
鼓隆蒸嘗桂以酒兮椒以漿歲時明德播馨香瑤宮闐寂劍佩藏  
鬼物呵護松筠蒼孕鍾嘉休儲吉祥翊我皇祚浩無疆千秋萬歲  
靈風長

又

吳國倫

興國州志

卷三五

詩錄

八

黃龍洲接大江廻捲雪樓高巨浪推古屋將軍遺像在荒村伏臘  
瓣香來何年一破窺吳計異代還憐翊漢材有客停舟薦蘭芷櫂  
鳥噪雨若爲哀

疊山祠

吳國倫

古祠依鷺渚疎柳過漁舟不是名賢寓誰知水郭幽  
樹杪千峯躍城頭二水環當年讀書處不忝是東山

又

國朝 盧 秀

爲問謫居日何如賣卜年左官猶有託晦迹已難全衣履尊先輩  
文章軌後賢野祠今寂寞何幸在南天



孟嘉墓

吳國倫

爲問陽新令誰如孟氏賢孤墳不可弔虛識永和年

太浩寺

潘師道

蕭寺霏微古木中湖光山色半烟籠燈傳諸品空王偈行苦雙修  
大士功都向臥輪忘伎倆總無饒舌動旛風雲間鐘磬松間月萬  
劫千秋轉舊葱

北臺寺

袁良恪

雲橫山半露珠宮我卻乘春放眼空曲水遶階清佛座遙山屏戶  
隱仙櫳樹生絕壁根盤石磬擊層樓響應崧剩有袞衣餘韻在琴

興國州志

卷三十五

詩錄

九

書此日將無同

石壇寺

袁良恪

四合層巒捧石壇倦遊聊假片時安危樓月皎松陰滿古刹秋深  
葉落寒夜寂僧猶談戒偈山空客亦坐蒲團悠悠半枕清思杳隔  
院曉鐘驚夢殘

惠澤龍王廟洪鐘歌

劉學易

陶弼讀書於廟嘉靖二十五年八月二十九日鐘自鳴竟夕弼以是日登榜易爲作歌

讀書結閣高倚雲梅橋本是中英神龍有意報捷音洪鐘不扣  
鳴朝昏一朝顯親揚姓名平步雷震躍龍門大宛厥施敷甘露龍



王赫赫信有神扁舟我亦過祠庭助我駕風鞭雷霆大扣一聲徹  
天闔

禮殿古柏

吳唐

蒼官何代物百尺與天參黛色風霜古虬枝日月含不甘松爵五  
詎效柳眠三道是文翁樹元機共我談

又

潘士英

數仞牆頭一古柏渾似龍門高百尺繁華謝却鐵幹存孤影蕭蕭  
映皓魄那知疎淡自含香盤根能耐冰霜阨若逢大匠度其材遠  
近聞之聲噴噴

興國州志

卷三十五

詩錄

十

又

奈文清

何代蒼官謝鬱葱猶沾  
聖澤倚膠宮不隨凡豔入時眼獨有  
勁枝畱古風新甫山中千樹廢葉林園內兩株空誰如此地植根  
穩一任歲寒元氣充

滄浪懷古

用杜工部丹青引元韻

李應明

郭北層巒似兒孫滄浪倒影映千門漱灑光中小亭出名流逸韻  
今猶存行人隄上踵相接柳陰如布亞夫軍朝暮晴霞屏翠列居  
然濤湧捲岫雲雞岡獅嶺遙相見東殿通眞魏古殿僧行送客到  
溪邊紅白一塘映人面町疇平蕪縱遊騎營卒逐隊飛羽箭天中



競渡弔屈原舸艦迷津逞雄戰太守來此乘花驄景物四序迥不  
同獨愛盛夏芙蓉放騷壇結伴對薰風興酣尋勝登古刹絲絲烟  
雨閭淡中漁火佛燈夜皎皎一灣祥光射波空桑麻雞犬盈陌上  
東村西市歡相向擊壤康衢雜管絃嘈嘈唧唧奚惆悵何緣化日  
躋羲皇萬類裁成資輔相幾人能謝利名場此地逍遙忘得喪山  
水之間應有神陶然自得發天真顧瞻佳景情無極咫尺甌瓊憶  
昔人狂歌長嘯天地外由來風月不嫌貧但願從龍休暇日濯纓  
清流且澡身

滄浪煙雨

李翔

興國州志

卷三五

詩錄

十一

峯潤烟波翠靄濃危亭飛聳到晴空駕來齒齒紅香裏人在琉璃  
翠影中洗出嵐光全是雨捲回秋暑却因風使君夜宴冰壺裏更  
有銀河一派通

又

石炬

夏日蓮池好滄浪復此亭風遲一葦渡雨過萬山青石磴盤空出  
波光入坐冥獨醒吾豈敢孺子咏堪聽

又

國朝  
吳文煥

湖亭風景意淒淒煙雨蒼茫入望迷疑重若輕千障出似無如有  
萬枝低風來池畔寒臨閣水落澗中響入溪日暮漁舟歸罷釣披



囊戴笠步長隄

又

易應斗

天闊亭虛得趣幽八紘景物望中收魚龍入夜啣珠出鷗鳥忘機  
狎浪浮遠近鄉村連市井空濛煙雨幾漁舟閱來此際堪凭眺不  
必殊方覓勝遊

仙觀晴霞

張令聞

雞犬桑麻數處家飛驚樓觀亘隄沙仙人解悟三生石才子荒涼  
幾度花鶴背聲微清玉笛漁梁影動濕星槎晴嵐一抹千山洗橫  
泊洲邊漾彩霞

興國州志

卷三五

詩錄

十二

又

潘士英

道觀氤氳起片霞晴空遙望色殊嘉光籠繡壁疑朱幔影落雕甍  
似絳紗曉日直穿梁吐彩夕陽返照瓦生花層層密布盈丹室不  
異東來紫氣奢

恩波夜月

陶去秦

高閣峩峩歷古隄平湖烟景占東西洗空塵累登臨爽暉映天光  
上下迷樹影納波山吐月落香入座雨收霓使君爲惠真無已拉  
我閒來倚杖藜

又

李鵬



滿輪精魄挂長空光映堤邊水浪紅一切凡塵何處入分明人在玉壺中

楊林晚渡

梁有孟

漫羨桃花渡楊林茲亦傳村烟迷樹色漁火照波妍擊楫何辭晚乘風勢欲前星光同泛我袖接斗牛邊

又

俞慶維

長途病涉漫經過休怕漁郎獨棹歌日暮不嫌擊楫晚數聲欵乃濟人多

南市漁歌

黃正昌

興國州志

卷三十五

詩錄

十三

持竿不須彈鋏歸那管城南是與非美酒嘉魚皆自得輕舟蕩漾笑采薇

又

雷作和

望裏南湖別一天鮮鱗爲市水爲田風波不起垂綸穩鼓柁浩歌鷗鷺前

又

周旋

如畫南湖一片影水光搖碧山光冷烟嵐一抹野市晴石根盤軋釣臺穩風送漁歌天外縹小艇半繫蘆花杪十船九船養鳥鬼朝擒魴鱖暮赤鯉有酒得醉是生涯生前有限杯如此予懷渺渺漁



家樂伊人長天水一角

又

姜隆福

城繞南湖景物悠蘆花淺水泊漁舟數聲短遂驚沙雁幾曲狂歌  
動野鷗飽食烹鮮頻唱和興酣沽酒交傳籌浩然共樂昇平世圖  
畫天成一望收

宋山樵唱

柯時懋

都道宋山春意早還傳春意宋山好樵人嫋嫋發長歌飛入雲中  
驚絕倒

宋山一抔無私曲東可採薇西採玉忽動悠悠太古心子規啼罷

興國州志

卷三五

詩錄

十四

樵歌續

又

李之章 庠生

林巒聳翠近郊關樵子乘時競入山有曲無腔頻唱和悠然聲唱  
遏雲閣

贊序秋香

陳遇璜

闕宮巍煥麗天章紫氣氤氳秀長望裏金莖龍臥地墀端玉笋  
鳳毛翔千年俎豆流聲遠萬古人文被澤昌丹桂一枝攀入手  
聖靈到處發秋香

又

石朝光



何處飛來種蔚然，  
俎豆旁探從月窟。  
出躡得天根，  
長化洽西京。  
棧愛深南國，  
棠秋高春意足。  
黍稷共馨香。

謝墩夕照

吳振緒

河洲直出水環中，  
萬景烟波倒影空。  
三面山光分上下，  
半山日色隔西東。  
殘霞乍映千門紫，  
落彩輕餘兩岸紅。  
獨惜謝公踪跡杳，  
有懷薄暮欲臨風。

又

李應明

西山啣落日，  
倒影謝公樓。  
四顧烟光斂，  
一望暮紫收。  
魯戈揮不返，  
虞劍指空躊。  
棲鳥歸林急，  
忠魂萬古幽。

興國州志

卷三五

詩錄

十五

玉印洞

吳甫生

和氏已持良璧去，  
鑿光遺映此孤村。  
徒云秦璽曾無影，  
不及荆山尚有痕。  
烟起山頭聯碧漢，  
月明洞口失黃昏。  
世間抱璞原非少，  
未剖祇今處處存。

初春同友重遊銀山

蕭涇

聞說長公紀舊遊，  
嗟哉鐵壁烟雲浮。  
千松屈曲盤山古，  
一水清漣抱寺幽。  
香篆爐中聚復散，  
風生檻外去還留。  
因貪名勝重攜友，  
坐話高僧隔數秋。

遊滄浪亭

劉十賢



愛惜清光好攜手滄浪過水雲  
牽荇藻烟雨足菱荷望去長天渺  
聽來短棹歌飄飄塵外立杯酒澆詩魔

初霽夕遊滄浪亭

石朝光

水聲怱怱問滄浪布襪青鞵過草塘  
兩岸柳梢凝曙色一天銀漢映湖光  
池翻橋影魚翻浪亭繞荷花風繞香  
如此長懷新霽月方知秉燭不為狂

坡山返棹

張異卿

登臨非細事天意若為遲倚枕鶯聲滑  
歸舟燕子隨古今同黛色橫側各幽竒  
作賦登高者千秋自有知

興國州志

卷三十五

詩錄

十六

登疊山祠懷古

張兆基

臨風直上謝公樓慨想當年講學秋  
節峙宋山懷故國瀾迴富水作中流  
君臣南渡嗟何及烽火北來恨未休  
剩有丹心垂夕照孤墩憑弔古今愁

登寫功樓望中八景

張元凱

直上高樓望眼賒臨風把酒酌流霞

仙觀晴霞

漁人唱罷楊林晚

南浦漁歌

楊林晚渡

樵子歌殘夕照斜

宋山樵唱謝墩夕照

月滿湖橋帆送客

恩波香飄鬢夜月

殿桂生花

鬢序秋香

滄浪日日迷烟雨

滄浪烟雨

樹色朦朧噪暮鴉

楊林晚渡

潘道閔



日暮楊林古渡傍往來人喚扁舟忙櫓搖深渚烟霏白帆挂中流  
月吐黃樹色朦朧迷遠岸星又燦爛照飛航乘風莫道濟時晚破  
浪騰空萬里長

川樓閒眺

陳夢麟

徙倚岑樓上超然一望收水兀連岸濶山色帶雲浮喜有漁歌唱  
頻來騷客遊無邊供野趣頽覓襟懷悠

望江南十詠

宋知軍王琪

江南酒何處味偏濃醉臥春風深巷雨曉尋香旆小橋風竹葉滿  
金鐘檀板碎人面粉生紅青台黃梅珠閣上鮆魚苦笋玉盤中醅

興國州志

卷三十五

詩錄

十七

酹任愁攻江南柳烟褻拂人輕愁黛長空描不似舞腰雖瘦學  
難成天意與風情攀折處離恨幾時平已縱柔條留客棹更飛狂  
絮撲旗亭三月亂鶯聲江南燕輕颺繡簾風二月池塘春社過  
六朝宮殿舊巢空頽頽恣西東王謝宅曾在桂堂中烟徑落花飛  
欸欸曉窗驚夢語匆匆偏占杏梁紅江南草如種復如描紅映  
落花鶯舌亂綠迷南浦客魂消日日鬪青袍風欲轉柔態不勝驕  
遠翠天涯驚夜雨冷殮沙上帶昏潮誰夢與蘭苕江南雨風送  
滿長川碧瓦烟昏沉柳岸紅銷香潤入梅天飄洒正瀟然昏與夢  
長在楚峯前寒夜愁歌金釧枕暮江深閉木蘭船烟淚遠相連



江南水江路轉平沙雨霽淡烟收素練風晴細浪吐寒花迢遞送  
星槎名利客飄泊未還家西塞山前漁唱遠洞庭波上鴈行斜征  
棹宿天涯 江南岸雲樹半晴陰帆去帆來天亦老潮生潮落日  
西沉南北別離心興廢事千古亦沾襟山下孤烟漁市遠柳邊疎  
雨酒家深行客莫登臨 江南月清夜滿西樓雲葉開時冰吐鑑  
浪花深處玉沉鈎圓缺幾時休星漢回風露入新秋丹桂不知搖  
落恨素娥應信別離愁千里共悠悠 江南竹清潤絕纖埃深徑  
欲留雙鳳宿後庭偏映小桃開風月影徘徊寒玉瘦霜霰倩相催  
粉淚空留班點在羊車曾傍翠枝來龍笛莫輕裁 江南雪輕素

輿國州志

卷三十五

詩錄

十六

剪雲端瓊樹忽經春意早梅花偏覺曉香寒褫佩想清歡蟾正迥  
清夜好重看謝女聯詩褰翠幕子猷乘興泛平瀾空惜午陰殘

滄浪烟雨

宋知軍

張 釜

此身原是滄浪客暫向亭中作主人捲箔尋詩山有味凭欄觀物  
水無塵酒邊風月宜論價妙處丹青總失真安得濯纓酌素志烟  
波萬頃一絲綸

過石田驛

蘇 軾

溪上青山三百疊快馬輕衫來一抹溪邊修竹有人家橫道清泉  
知我渴芒鞋竹杖自輕軟蒲薦松牀儘光滑夜深風露滿中庭一



點孤螢自開合

一 謀野堂

王十朋

滿目江山富一堂公餘身在水雲鄉  
遙岑更作有無色西子爲誰  
濃淡粧荷有香能凝燕寢纓無塵  
可濯滄浪使君坐此謀何事境  
靜心清百慮忘

銀山

明知州 丁璣

惜騰春色又清明乘興登山得遺情  
拄頰偶來忘俗慮息肩隨處  
問農耕落花到地不多片啼鳥  
傍人時一聲坡老荒巖遺墨在  
我今重續舊題名

興國州志

卷三五

詩錄

十九

楊林晚渡

明通判 富甯

浩浩通津無處無往來誰復嘆窮途  
西風晴漲連雲起落日輕舟  
隔岸呼不遣征夫寒駐馬任教  
估客晚攜壺乘輿焉得人人濟堪  
笑當年鄭大夫

宋山樵唱

又

丁丁斤斧響晴川緩緩行歌意自便  
澗底蒼龍應熟聽洞中白鹿  
不成眠聲聞野寺朝隨伴調轉雲  
崖晚息肩但幸太平無一事爛  
柯何必問神仙

鬢序秋香

又



一樹叢生文廟前月中分得幾千年貼雲黃鶴曾銜子行雨蒼龍  
數吐涎拂拂隨風來絳帳芬芬和露落青瓊淵源吾道同根祇金  
粟開從太極先

謝墩夕照

又

半山曾說謝公墩匹馬經過正夕曛暝合叢林僧入定影留高樹  
鳥呼羣幾家漁網臨溪晒何處疎鐘隔岸聞吟愛晚來風景好淡  
烟一縷抹紅雲

登城望甌甌洞

國朝知州 高夢龍

滄浪寂寞雉城西迢遞蹉峩一帶齊竹裏寒雲依古洞橋邊野水

興國州志

卷三十五

詩錄

二十

遶長堤衡陽雁語空驚遠元武漁歌獨唱低徙倚女牆頻寄目閑  
情如取復如攜

宿竹橋山館

又

傍石雲生屋臨溪水照門挑燈盡著述把酒足雞豚壞壁行饑鼠  
空山叫斷猿平生樂幽寂相對靜無言

遊銀山寺詩

知州 高鑒

紺宇幽深一逕開嶙峋鐵壁滿蒼苔非關遠識金銀氣特爲看山  
振策來

恩波夜月

又



長虹百尺跨東湖星斗縱橫  
映玉壺郊外氓居山作障潭中龍窟  
月爲珠湘江源遠流應溥  
楓陛恩寬惠久敷喜際昇平耕鑿  
廣千秋童叟舞康衢

富池捲雪樓晚眺詩

又

朱欄傑閣勢干雲翠巘丹崖對夕曛石嶺西盤三楚濶烟波東去  
九江分將軍舊壘甘興霸屯軍處餘鴉陣羅漢荒祠有檜芬昔日黃衣人  
不見浪花如雪自紛紛



詩錄增補

桃花尖乞茶栽雪堂

宋蘇軾

周詩紀苦飲茶茗出近世初緣厭梁肉假此雪昏滯嗟我五畝園  
桑麻若蒙翳不令寸地閒更乞茶于藝饑寒未云免已作大飽計  
蔗漿適有無本末不相戾春來凍地裂紫筍森已銳蓓蕾煩呵護  
筐筥未敢睨江南老道人齒髮日已逝他年雪堂品空計桃花裔

送吳仲庶出守潭州

王安石

吳公治河南名出漢庭右高才有公孫相望十載後平明省門開  
吏接堂上肘指搗談笑間靜若在林藪連檣畫山水隱几詩千首

興國州志

卷三十五

詩錄

二十二

浩然江湖思果得東南守傳鼓上清湘旌旗蔽牛斗方今河南治  
復在荆人口自古楚有材鄙渌多美酒不知樽前客更得賈生否

鍾成觀

白玉蟾

疑是蓬萊第一宮綠窗翠戶玉玲瓏暮雲蒼葦碧涵碧落日朱樓  
紅映紅嵐影波稜中夜月湖光山色半天風旌陽到此彰靈異昔  
日先生本姓鍾

懷坡閣

宋王十朋

窮途喜見富川波已覺茲行所得多杭穎西湖堪鼎足兼懷六一  
與東坡



勸農

知軍 周紫芝

星言出郊坰，緩轡遵微途。陂池湛新綠，阡陌問上腴。春色響晚晚，農事日已趨。有司奉漢詔，訓詞宣帝謨。父老數十輩，龍鍾白髮鬚。扶杖前致詞，謂當極勤劬。曩也事格鬪，今皆返田廬。農桑遂溫飽，里胥絕征誅。茲焉不少力，是自貽瘠癯。椒漿酌大斗，起坐時勤呼。有如一日蜡，相期悅須臾。殷勤頗自愧，小信殊未孚。倘非獲三登，何以謝汝徒。同寮數君子，妙畧懷遠圖。願言規遲暮，共此豐歲娛。

贈公車

周紫芝

雲衢欲上馬蹄輕，莫問長安路幾程。霜劍竟須騰巨澤，夜光原自

興國州志

卷三十五

詩錄

二十三

當連城。偶因祖餞金樽滿，獨記臚傳玉陛聲。淡墨榜題知有日，更開春甕爲君傾。

入慈口拜劉四郎墓

劉彭年

慈口新來梓里過，鄉心其奈客情何。山連楚蜀峯全秀，地接東南勢轉多。盛世百年誰舊族，移家數代已鳴珂。匆匆又逐征途發，草樹烟光意自和。

蠻王砦

吳國倫

突兀不知何代壘，相傳曾此駐蠻王。羣山霧帶旌旗影，萬石星流鎧甲光。風氣久開秦井邑，士人俱習漢儀章。登來欲挽長湖水，一



洗蠻雲護帝鄉

富池鎮

劉子壯

初日滄江宿雨醒  
亂山無數一峯青  
錦帆公館灰飛盡  
幾點寒鴉送客舫

富池驛樓觀江回文

御史成始終

悠悠碧水遠連天  
落日江隄柳繫船  
樓對晚山青點點  
戶臨春草綠芊芊  
鷗邊渚接晴霞暮  
鶴外雲迷遠樹烟  
愁客遣懷詩共酒  
遊重到已來年

大塘橋

提學韓陽

興國州志

卷三十五 詩錄

二十四

眼前景物漸淒涼  
屈指郵程百里長  
楓葉園林千樹赤  
菊花籬落幾枝黃  
溪沙淺水魚皆見  
野徑人稀草半荒  
愧我菲才叨聖秩  
頻年巡督敢還鄉

芭蕉亭

明參政陳煥

驅車連日冒炎威  
鳥道間關入翠微  
忽過蕪汀雲漠漠  
暫停蕉院雨霏霏  
宦遊多險知誰是  
狂散惟應與世違  
肉食藩垣無寸補  
甘年慙愧越山薇

又

明僉事楊祐

伊昔分符地於今  
攬轡過山川原不改  
衰舊欲如何古木含雲潤



新花過雨多陳詩謝者舊樂職在中和

又

楊祐

春風江上罷鳴橈小坐層軒散寂寥最是可人詩思處一天新雨  
響芭蕉

芭蕉亭有感

劉棟

龍眼磯頭望麟洲春色微江空便去鳥雪霽冷斜暉卜歲知豐稔  
行年覺是非江湖遠廊廟憂樂與時違

梁公舖

韓陽

傳舍臨官道輜車且暫停雲收溪樹綠雨過隴秧青時泰民安業

興國州志

卷三十五

詩錄

二十五

山深客少經寸心圖報稱雙鬢奈星星

白沙舖

參政劉儲秀

不畏長江險何由涉遠途漁航橫野渡樵斧入寒蕪多病逢殘臘  
浮名伴腐儒歸來何處鴈立馬倍踟蹰

釋心亭

明毛友

水邊綠樹不知名時有黃鸝一兩聲籜葉藏身尤自得向人作意  
更飛鳴

送陳孝廉南還懷華夫子小相

尚書朱之弼

論交幾日公車發才子思歸拜省專三歲久懸陳氏榻一肩今附



李家船燕臺客送花朝後楚國人還午日前君到寶塘應問訊伏  
生函丈最高年

犀牛山

盧高

孤峯中斷楚江秋十里川原一望收石隙偶然形迹似時人浪說  
有犀牛

疊山祠

訓導杜世英

人去驛樓北澤深吾道南典型尚可作運會豈能堪流水悲亡國  
高風寄遠嵐至今臨悼者講席對茲慙

遊真如寺

桂南昇

興國州志

卷三十五

詩錄

二十六

未踏重關只見山木鯨時吼翠微間老僧隨逐看雲起居士忘緣  
其鶴閒人眼湖光依砌濕倚空蒼木趁山環三朝寶訓神明護伏  
讀凌兢想玉顏

遊坡山

高鑒

山色空濛樹色重響鈴不遇獨聞鐘醉吟粗了蘇堤債又向坡山  
覓舊蹤

滄浪亭

高鑒

半堤楊柳連波綠百畝荷花繞郭紅恍在西泠亭子上漁歌遙起  
月明中



禮殿古柏

廖廷相

嘉種來新甫後凋不計年炎涼無異色榮落有心堅凜凜持楨幹  
蕭蕭耐雨烟負墻資聖澤何意世人傳

又

董儒桂

摩挲千尺倚層霄不數宣籀碣半凋大谷倒生添錯節泮池孤影  
立清標苔痕斑剝龍偏矯虹彩斜垂鳳挂么閱盡繁華渾不解獨  
憐明月照霜條

中秋夜泊大冶青龍閣

吏科給諫 曹景參

在水中央望不賒空明如揖短舟擎一窗白積波千尺半壁蒼涵

興國州志

卷三十五

詩錄

二十七

縣萬家漁火漫携雲忽合鴈聲分過月將華耳根正逐歌喉熱冷  
露無疑淬酒花

端陽前一日向刺史招飲黃鶴樓

劉世系

仙客乘雲去杳然空餘高閣漢江懸千年鐵笛留黃鶴萬井金沙  
漾紫烟細雨斜連雲夢澤飛濤遠蹴洞庭天明朝節序天中日好  
擬葵榴醉綺筵

鍾山墨池

楊儒魯

高原從未到山色似曾來寒壑生秋思樵門起壯懷明池注漢漢  
芳草積芸臺何處鍾繇墨烟雲文字該



鳳棲洞

潘師道

昔日看山山逐客客來此日愧高山摩崖賸有登臨意傾取烟波落照間

羽葆凌空勢欲飛晴嵐一片罨科暉避秦那必桃源地解有山僧

葛紙衣

蔣之奇有空傳趙居士不見紙衣僧之句

氤氲小有自天開貝闕雲幢半蘚苔幾度霜鐘聲隱隱漫驚石上臥如來

天柱峻嶒揮普陀懸巖窅窅幾摩挲杖頭殘火時明滅疑向璇宮月下過

興國州志

卷三十五

詩錄

二十八

低回寒谷足逃喧滿目藤蘿拂洞門貰酒買山都不費却拚十日醉平原

銀山寺

知軍張釜

煙巒佳處有叢林門掩春風一院深我欲問禪無半偈落花啼鳥自飛吟

銀山

知州楊祐

東嶽經行處西山秋色微庭虛幽鳥下塵遠白雲飛爽氣青薰樹嵐光翠濕衣汲泉聊盥耳未息漢陰機

平野秋成趣名山羨遠過清風喜仲覽逸思愧東坡苔石縈文字



雲門引薜蘿夕陽車馬動惆悵意如何

絕磴危通壑層梯翠入雲峯迴天欲隱山迴氣全分風樹鳴高葉  
寒流引曲文更看纖月上巖際自紛紛

遊銀山

袁承楚

峯頭寶氣映流霞懷古詎同翫物華泉繞疎林涵鐵壁雲封靜室  
護袈裟尋梅緩步蹤無定選石啣杯興更奢空谷苔痕誰踏破忘  
歸且聽說曇花

銀山讌集

胡謙

寶氣虛涵山幾重招提精舍出塵封周遭盤屈藏雲樹結撰靈竒

興國州志

卷三十五

詩錄

二十九

隱霧峯傾倒玉壺頻喚酒劈開曹洞漫尋宗老狂得飽高臨興天  
籟悠然發遠松

銀山鐵壁

張令聞

苔紋斑駁辨難真風雅須歸絕代人高勒巖端堅逾鐵浸凌石骨  
皎如銀題無濃淡沾毫墨畫密微茫帶土塵卽是不貪欽寶氣得  
從坡老問前身

銀山卽景

李應熙

蓬萊深鎖紫雲間鶴背仙人去不還土釜黃苗留石罅至今銀汞  
滿空山仙洞



明月筠州夢五祖幻身取道破荒叢千秋墨瀋苔浪鐵誰買黃金  
鑄長公鐵壁

嶺嶺雲峯劈絳砂分來南嶽乳丹霞扶輿磅礴煩巨手定許何人  
浴日華朱砂巖

一卷心經定刹那空潭幌影靜無波獨憐古壁荒涼月猶爲山僧  
洗薜蘿和尚洞

花竹數家小有天甕門踏破往來船漁郎莫漫譚秦晉往事如今  
過碧烟武源徑

玉刻樓檣金作篙揚帆銀海信風濤癡兒貪看郭家穴何似空山

興國州志

卷三十五

詩錄

三十

不繫舫銀艇

鼎中殘沫水中漚消息無憑問小儵解付去來還大化道人昨夜

夢莊周放生塘

鹿苑經緇舌底魔載來白馬意如何從今不踏少林壁貝葉無文

石上多晒經石

金莖奮臂掃晴雲鐵笛聲高夜半聞我欲移家天上住世人何事

怨離羣飛仙臺

萬文青蓮出海隅盪波搖日勢全孤願將近詵煩鸚鵡南國衆生

度盡無普陀巖



詩錄又增

夏日汎舟訪劉方回師穎阻風橫泊洲有作 吳國倫

百疊青山一水浮興來思共美人遊波搖洲渚天無力日薄蒹葭  
雨欲流長夏已拌河朔酒北風偏滯剡溪舟盈盈不比瀟湘隔采  
采江蘼轉自愁

方回山莊

吳國倫

舟行四十里三日始停橈浥露尋山徑梯雲過石橋已無塵跡近  
而況美人招一聽南薰曲炎威坐自銷

愛爾幽棲處尤宜避暑來圖書偏狎客景物解憐才岸幘花間出

興國州志

卷三五 詩錄

三十一

眉輿樹杪回吾將枕流臥莫令酒籌催

書吳仲庶仲復傳後

陳治策

仁宗景慶朝羣臣承一德卓哉名御史侃侃見風力富公賴保全  
韓公資羽翼白簡自霜飛斯為古遺直

懷波橋

陳治策

李翔字仲覽永興軍人與蘇文忠友善文忠  
謫黃泛舟造焉李送至橋後人因名為懷波

二公昔臨岐此地為野渡今居閩閩中不是青郊路湖光白蕩墳  
風流杳難訴檻外酒旗飄猶思貰飲處

汪孝婦

陳治策



母家冷嶙洲夫家白茶壘周之女汪之媳問其年二十一問其姑  
嬰鋼疾當垂危婦情急哀竈神籲天泣夜月朦朧持刀立解衣長  
跪銛鋒剔出肝寸許血痕鮮鬼神拱手皆惕息聞者愕眙見者悽  
感姑病霍然所苦若失其以告於官官曰汝茲愚誠非中庸之至  
極不肯以上聞但獎其綽楔而事已畢時乾隆五十八年四月之  
二十三日

竹意吟

隴口頭張姓女

陳治策

吁嗟乎兒生未識夫惟有三更一片冷月照人孤杜鵑到曉猶嘯  
血又聞林中啞啞不住嘯慈烏憐兒十七齡蒼天太不仁孤鸞別

興國州志

卷三五

詩錄

三十一

鶴操來幽怨不成聲名兒以竹直節虚心在空谷六載嚴冰寒封  
古木搔首奈何天命薄不可延而今而後受全歸全不覺淚下漣  
漣試看九莖芝草松千尺完然白壁瘞黃泉

重登富川書院奎光閣

胡興遐

足跡遍天下樓臺旅夢看秋風吹海嶠流響忽雲端機錦成還織  
袖桃種復餐遊僊飄緲意高極迴忘寒

丹梯曾我上繡闥定誰開天近環如水雲低棄若埃舊吟將鶴去  
新韻索琴來賴有空中葉瓊箋不用裁

永州寄書

劉宇儀



鄂城一去二千里明月懸看十四團此後鄉書何地寄高堂權與報平安

石鏡山

劉宇儀

一鏡誰磨石不磷懸光照破古今人大荒滿眼鬚眉客若個從今面目真

過永州司馬塘陳北溪上舍振之文學園林別後寄贈

劉宇儀

瀟湘門外足幽棲鏡裏樓臺畫裏溪半畝竹籬山郭外一池荷葉水亭西未曾相識人如舊尚復能來路豈迷為報道南大小阮鹿

輿國州志

卷三十五

詩錄

三十三

車斗酒即相攜

和劉嘯壑 名字儀

李之恢

亦有枯毫在對君未敢揮天臨空海濶桂占小山稀論古聊孤賞投人大半非長河秋耿耿我憶謝元暉

疊山祠懷古

李之恢

毳柳賸煙鎖寺門謝公塚上月黃昏湖濤並作勤王愾屋漏重添舊淚痕三甲姓名成了局一生牛馬未歸魂荒祠猶有具雞黍麥飯冬青不可論

永城書館歸省雨夜懷二兄心蓮

時任新疆巡檢

劉鳴盛



趨庭當夏日樂意滿南陔麥穗連雲熟荷化映日開相逢新燕語  
不見旅鴻回何事空山裏淒淒風雨來

廉纒長不絕徧地永城煙萬里霾雲接千山瀑布懸投林多好鳥  
依樹有鳴蟬是物皆同氣孤身祇獨眠

蘭州寧不雨此夕最關情漫滴椿萱葉如聞兒女聲幾時違富水  
三載滯長城仕路原無定天涯百感生

馬烈婦哀辭

有序

潘光藻

烈婦同州馬氏女父名期棠幼適其鄰劉良班之子材爵  
劉故貧傭耕州東之海口湖值歲大祲診作且死子往省

興國州志

卷三十五

詩錄

三十四

亦病劇氏往哭其翁喪且告曰阿翁一子耳脫死則新婦  
旦夕相從事翁地下耳顧姑老貧無養則奈何無何壻亦  
卒氏以一弱女子拮据治二喪時炎疫益亟巷無居人行  
旅幾絕旬貸無所之不能具棺匱廼藁瘞於賃廬之側坎  
而虛其右日夜哭不絕聲不勺水濡其吻人蓋知其必死  
及事訖自沈於溪溪水淺不得死乃斧其腦又不死入夜  
以剪刺咽乃死時氏年二十七其死事則道光壬寅夏五  
之某日也嗟乎此死可謂烈矣吾黨諸君子以狀屬予歌  
詠其事以傳且醵貲爲構易葬而碑之期他日上之有司



以事聞于 朝獲膺 旌典斯人斯節蓋不沒矣吁予文

安足希古人

狀中蒙述李習之與皇甫持正書言所作高  
愍女楊烈婦傳事意甚盛石君秀升筆也

顧此事予責也雖不文其焉辭

五月炎沴海如熱江草江樹壓岸圻頽鱗泣波波不流寡鶴叫雲  
雲欲裂海口有室十九空歸燕亡巢鵲唬血古來奇裁玉疇行萬  
口一聲烈婦烈烈婦新息末裔之鵠雛髻年從壻得黔婁阿翁攜  
兒遠厥孥百里海口湖上廬賃隴而畊渚而漁室無瓶粟無尺襦  
老姑倚婦貧不懼一夜噩夢樓庭烏戒旦辭姑亟奔趨壻河已沈  
翁前沮曾不浹旬溘焉俱藁而坎之虛其隅祇辦一死殉黃壚子

興國州志

卷三五

詩錄

三十五

殉其父妾殉夫豈不戀慈母豈不悼衰姑仰瞻失所天俯眎無貌  
孤吁嗟乎人生際此復何俟夫生妾生夫逝妾逝耳一死之外靡  
他矣吁嗟乎有婦如此夫不死有死如此無子勝有子手剪皮金  
字字香夫亡不肯稱未亡丈夫志節有如此諸臣媚子何處藏咄  
哉世儒好論逞目睫剗股剗肝動抨擊口談律令詫經義神聖微  
言爾烏測落落痛癢不關身振袖哆口驚膏氓蝨蚋嚼膚蠹螿指  
有淚泫泫雙頰頰一朝事至怛喪魄羅胸經律都不說七尺軀脰  
着鬚眉會教羣妹讓巾幗那知白首同所歸祇污邱壟怍檜柏惜  
哉爾不聞斯人能汗爾頤彊爾舌吾鄉師儒小鄒魯謂此奇節一



何子伐石表阡誅之碣曷言醜之曰冰檠佐以椒醕其牲特謂予  
太史職簡冊此辭實秉綱常責況乃貞徽之門魏綽楔 羲畫堯  
文煥重闈 天語錫類曷敢越再拜端簡粟以瑟正氣慘淡凜吾  
側寒光入楮香到墨吁嗟乎海口之湖何激激海口之山此截業  
水可竭石可泐烈婦之烈亘不滅我屬諸君同予歌一闋我辭陋  
矣君再發壽之一片好竹帛他日輶軒使者采詩詩上徹有 命  
自天天心惻賁以綸言副在牒歸然穹坊華嵩列日光玉潔熒汝  
穴行者齎咨涕洟指此嘆欲絕鬱鬱翠壁蒼巘上有九死不死之  
貞松渺渺寒空一白太始雪炯炯江天萬古高秋月

興國州志

卷三十五

詩錄

三十六

送景暹兩兒舟行赴鄂

潘光藻

富渚征帆發新楊靄夕霏乞渠千柳色綠汝雙萊衣  
尺角襄駒健 檣烏學母飛緇塵勤拂拭密密是春暉

我昔齒如爾蘭成射策能關河雙屐雪風雨十年燈肩弱頻行旅  
脛腓倚瘦藤翩翩裘馬侶顧盼何峻嶒

桃李吾親植梗楠此待羅主文羔雁集名士鯽魚多莫倚桐鳴爨  
須教壁謝磨汪汪人海畔行矣慎風波

幸託名師去斯須懷道心春風梅子熟夜月棗花深蘭玉三株植  
松筠百世陰惜分逾惜寸贐汝此贏金



題羅羅山中丞

澤南遺像

陳光亨

大星已隕武昌城此地飛書尚請兵方盼戎行千里至忽傳惡耗  
一軍驚英雄有淚巾方滿天地無情棟又傾誰與東南撐半壁龍  
圖老子倍淒清

廿載傳經耐寂寥一朝從事霍票姚誓將肝膽酬知己願把頭顱  
奉 聖朝百戰勛名懸列郡 九重恩眷累層霄出身似此應無  
憾只恨塵氛淚未銷

半壁山前送去驄百花洲畔感飄蓬持籌事過還思我仗劍來遲  
竟負公精爽已歸霄漢上清高猶見畫圖中何時得返江城路一

興國州志

卷三五

詩錄

三十七

幅重摹祀閔宮

送吳又桓比部赴京供職

劉炳

冷官愧我贅疣身戡亂追隨溫太真入幕欣交司馬客登堂時拜  
老萊親柳營色壯離亭飲梅邑香添野館春從此勲名光宇宙詎

惟明允答 楓宸

喜金陵克捷有感

胡純修

折衝漫說氣無前未協機宜枉著鞭虎踞蒼茫千百劫鴟張奄忽  
十三年衡陽夜雨紆籌筆浦口秋風到戰船此日重圍聲震疊天  
戈指處靖烽烟



飲鄂城聽笛館懷友

胡純修

秋日弄長笛霜筠誰與裁折殘頽岸柳落盡故園梅快馬嘶風去  
飛鴻帶雨來倚樓人不見悄對菊花杯

滄浪亭

方翊元

勝蹟武陵名荒亭景自清沿堤芳樹晚向郭遠山晴夏漲船通市  
秋高月在城誰歎傅畫稿匹練寫空明

甌甌洞

方翊元

北郭甌甌洞當年迹已陳寒潭生皎月野菜占殘春廢圃今遺址  
高歌古幾人風流如可接悵望曲池濱

興國州志

卷三十五 詩錄

三十八

贈左季高京卿

宗棠

方翊元

月白當空雲任侵飄然巾扇壁門臨刀明帳外軍書就礮墮尊前  
薄酒斟千古兵農名士論卅年風雨故人心相攜高處一回首湘  
上羣山深復深

克復湖口柬李迪菴方伯

續賓

方翊元

帷幄謀成樽酒餘深宵飛渡搗空虛將軍此日從天降劇寇頻年  
負窟居礮湧波間烟燄徹旗揮山頂火荼如兼旬並奪關津險自  
此潯城困釜魚

土錢謠

有序

方瀛



荆州隄工有土錢苛政也友人來都者細述病民之狀爲  
惻然者久之余亦楚人不敢效元次山作道州行因仿白  
太傅樂府之意敷陳其事名之曰土錢謠蓋紀實也情哀  
而迫詞質而俚聊備輶軒之采云爾

催土錢荆民殃荆州一郡濱湖江七縣之中五縣有隄防濱湖久  
已成澤國濱江猶可作保障工多費鉅帑不足不比瓠子與宣房  
民願出力衛田里吏願斂金飽私囊從此履畝竟加稅一歲所入  
何浩穰土錢之名煌煌成舊章一解催土錢倍蓰徵正供之外加  
數成往者愛民吏正供一金土半金今者愛民吏正供一分土三

興國州志

卷三十五

詩錄

三十九

分正供蒙恩有緩時土錢稍緩罪及身正供入官土入私私家更  
比公家橫司是役者橐筭皆豐盈二解催土錢吏如虎遣官四出  
臨鄉堡有時縣令親出巡不爲催工爲催土縣胥來具雞黍府胥  
來彘加俎殺雞烹彘供虎狼虎狼未飽啣人去啣人竟到虎冠處  
虎冠一怒更難禦東家老翁杖下死西家兒童繫於柱更將革履  
代掌刑齒落氣絕衆所覩我民何罪罹此辜從此土錢入官府三解  
催土錢策最高吏反託名鋤強豪封翁頸可繫富家骨可敲搢紳  
敢怒不敢號誰無妻子室家難逃誰無宗祖邱墓難拋吞聲質釵  
珥竭力奉脂膏大戶且魚肉小戶更弁髦千萬百萬無非供老饕



四解 催土錢報工程興工竣工送迎民出貲吏募人吏腹飽民

家傾名為利民實害民江陵隄利害均松滋隄害十分其餘他縣

亦虛名膏腴萬頃歸波臣歲時草率補罅漏見者側目不敢嗔明

年水至一望平哀鴻嗷嗷中澤鳴簿籍一一編分明五解催土錢

民心傷有隄不若無隄良無隄猶或間歲歉有隄竟無歲不荒非

歲殺人吏殺人無分水鄉與山鄉歲殺人猶可訴吏殺人不可當

訴之反調民請張天心仁愛罔弗到九關虎豹誰為通上蒼六解

催土錢民心苦豈無鄉先生畏禍舌吞吐豈無賢大夫左右肆簧

鼓我聞此言心酸楚欲上書兮無言責欲除弊兮非官守聞昔白

興國州志 卷三十五 詩錄 四十

香山好吟古樂府百篇諷詠皆有補流傳禁中聖心許我今亦欲

效前賢土錢聊作風謠譜曲未終淚如雨七解

過江陰有感 方瀛

兩山收束勢如腰天險層層夾岸礪東去波濤秋後急北來鴻雁

日邊遙樓船壁立能橫海鉄弩風生欲射潮不禁臨江私洒涕謝

公碁墅舊賓僚今南洋大臣即曾文正弟九帥國荃回思往事能不慨然

雨中自漢口乘輪西上時鮑帥飛書相召過楚不暇歸家 方瀛

莽莽連江雨匆匆別漢關南交氛甚惡莫唱念家山

夔州懷古 方瀛



赤甲瞿唐虎豹蹲天教全蜀有司闢千峯懸絕通孤徑萬派爭流  
奪一門峽口猿聲征舸急江頭旆影權關尊蕭蕭夜雨空園裏按  
劍披圖子細論

渡瀘

方瀛

自古南征路依然人不毛

我軍徑赴越南

孤城當地要兩水合流高

錦江自西

而下瀘水南來轉餉資鹽鐵

瀘州為川鹽總局銅鐵等貨亦由此過軍餉賴之

宣威仗節

旄蜀邊多險隘攀越莫辭勞

由川入黔

方瀛

漸與苗彝近風光迥不如蔽形無卉服

十三四齡女子皆無中衣蔽體觸目愴然架木

輿國州志

卷三十五

詩錄

四十一

似巢居過客囊馱馬

居民不能負擔運物皆用騾馬

登峰繚挽與不經蹤迹到枉

讀史公書

黔西夜發

方瀛

燈火千星夾道流笳聲催動萬貔貅烏蒙山上霜如雪一夜征人

盡白頭

臘月廿六日宣威州途次爵帥奉到年終福字一方食物十

二事擬謝表後賦詩誌慶

方瀛

五色雲霞到驛門焚香細坼紫泥痕

時爵帥屬瀛敬謹代拆

宸章分燿因新

第帥有新舊兩府恭摹一分並懸

玉食同嘗亦曠恩

鹿脯蓮粉奶餅等物幕府及將領皆得分嘗

一紙



遠來天語厚四方多事帥臣尊只慙橐筆南征客徒作周家元老孫

宿宜良縣

方瀛

虬蟠虎攫擁巖阿地氣鍾靈助閱多

岑帥部將多出此間

遠岫繞城青人畫

新秧分隴綠生波花門戰壘餘荒草茅屋遺民傍舊河曾是元戎

起家處

岑帥初官宜良知縣

至今父老尚謳歌

民呼岑中丞為我宮保

越南行

傷遠征異域也

方瀛

越南行募滇兵來者去者如流星問君何所往云是往東京

越南都城

我軍深入不毛地數百里路芭蕉林

由雲南蒙自縣出保勝數百里老林不見天日

五日

興國州志

卷三十五

詩錄

四十一

未見天光青孔雀巨蟒巢其中毒水流入溪溝盈涉則脚重飲腹

膨道傍時有雙人足虎食之餘供蒼蠅千艱萬苦纔過此不見明

營見暗營

關外官軍盡居地窖以避夷礮

暗營猶如居隧道上潦下濕瘴尤薰前

者出戰三千人氣勢欲將西夷吞距敵猶隔三十里飛礮一轟化

為塵戰死猶與賊交手轟死並未見敵兵轟死猶作疆場鬼瘴死

徒然埋榛荆去年出關二萬人籍中半存舊姓名貴賤賢愚同一

盡猿竊蟲沙夜有聲昨有歸兵至通海

予參鮑帥軍事因病暫留通海

嗚呼淒楚

難為情自言同歸四十人到此只有四人生死者遺骸委道路父

母妻子不相聞生者氣息亦奄奄中途欲行不得行

予為酌給川貲詔書



昨又起霆軍光緒十年鮑帥奉命會辦雲南軍務統兵出關霆軍敢戰舊有名由夔至滇

六千里攀崖越嶺踰層冰憊甚不得片時停精銳之師變孱弱百

戰驍將無人形未逢矢石與煙瘴走死已多白骨橫吁嗟乎

聖朝寬大柔遠人犬羊無知肆憑陵可憐壯士好身手徒作一片

秋宵燐天心仁愛當厭禍中外相安烽煙平君不見滇南七十城

十室九空居無人滇省亂後千里為墟今日死亡明日募豈惟無兵將無民

我作越南行誰為達天閣天閣萬里難為聽客中獨對青燈明轉

輟夜夜聞駝鈴

憶昔

方瀛

興國州志

卷三十五

詩錄

四十三

萬里滇南補此行天涯鴻雪亦三生悠悠十五年前事卻負劉公

一紙情同治辛未雲貴總督劉蓋臣制軍嶽昭以書相招

入粵東界有感封川縣

方瀛

扁舟又到粵東天南服河山盡目前塞外新歸沙叱利劉淵亭軍門永福越

南三宣提督屢以孤軍大挫法人朝廷嘉獎浪西舊識馬文淵

今和議已定軍門遵旨入防內地廉州邊隘藩籬撤後嚴局戶奇巧來時隱耗錢

馮萃亭軍門子材屢出鎮南關有功今督辦欽廉防務太息侯官憂國早九原誰為起名賢林文忠公則徐以粵逆之亂督師歿於梧州

泊香港有感

方瀛

海中突起數峰尊由虎門南出百餘里大洋蜃市真留金碧痕英人



於道光中力爭此地 刻山填海立為埠頭 依嶺人家樓疊疊滿堤燈火月昏昏坤輿南

去無餘土 按地球圖說由正北至正南香港不獨中國地盡即海外亦無寸土 胡賈西來第一門西

南各國直抵英吉利法蘭西其舟入中國以此為初口自是而閩而浙而齊而遼各口盡開矣 五十年前謀國老

誰教萬里戍烏孫 林文忠不謫伊犁英人必不能據香港

粵江紀遊

方瀛

我行遍天下 歷觀天下水 南條與北條 大者江河是 河水過龍門

平地方順軌 落則冰易堅 漲則急如矢 江水下巫峽 灘高石如齒

浩浩達三吳 洪濤天半起 淮從桐柏來 漢自嶓冢始 中流稍寬平

淺或盈尺 咫黔水經辰 沅噴怒何迅 駛東匯為洞庭 四望無涯涘

興國州志

卷三十五

詩錄

四十四

轉漕南北河 南運河北運河 浮送資閉起 水皆潤州多橋梁濟州阻泥滓

惟聞越中遊 江山信清美 佳人斫銀膾 簫聲度芳泚 雕櫺珠箔間

日在畫圖裏 惜乎舟所至 只盡七百里 自我從南征 荷戈殊未已

萬山趨越裳 攀陟窮岵岵 昨者發廣南 艱險尤難擬 豈知八日行

忽覺得清泚 由廣南八日至劍 匪惟勞逸分 寬深更足喜 無石亦

無波隨意舟 可艤東西路 三千橫州一 灘耳行盡左右江 百色為右江南

甯為 便將入南海 叶 中原流萬派 安流無若此 惜哉西南行 落在

百蠻底 苗彛不知商 里巷甘老死 士夫鮮眺遊 題詠發風采 叶賈

客萬斛舟往來 徒爾爾 江山得詞人 草昧成文綺 詞人得江山 意



氣薄金紫舟行名勝多適意誰與比聊紀粵江遊應貴洛陽紙

由剝隘舟行入粵西

方瀛

一載山程苦

由夔至成都又由瀘入黔入滇直抵邊關皆山路難行

今朝擊楫歌到舟滇地

盡對酒粵峰多土俗祠槃瓠

民多種苗

圖說尉佗願求南徼外長此

息干戈

桂平感事

方瀛

江上湖光湖上樓城邊樹色樹邊洲

城臨江又有湖繞風景可愛

如何一郡清

華氣化作妖氛遍九州

道光季年粵匪之亂即起於潯州桂平縣金田村

過覃洛土司

方瀛

興國州志

卷三五

詩錄

四十五

川原奧衍土田饒世有酋豪順

國朝江驛饋糧舟代馬

廣東糧運一由

龍州出關一由剝隘入滇皆經此道

夷民趁市女多樵後峰日色前峰雨上水風帆

下水橈坐倚雕窗看不盡畫圖絕好倩誰描

中秋日行羅貢山

前經啞吧山今又經啞吧泉此地何多毒也

方瀛

亘古蠻荒路千山復萬山有天同嚮化無徑強躋攀飲水泉多惡

耕巖土亦頑殊方遇佳節一醉變紅顏

九月九日雨中到南甯

方瀛

風雨連宵到客航邕州古郡度重陽樓臺隱隱橫江晚雲水迢迢

出塞長兩管官儀天吏貴

桂管邕管調之兩管南甯太平諸府州一州兼轄數土州

百蠻生計



女兒忙苗俗婦女力田邊儲此日開雄鎮龍州設有重兵後路糧臺駐此只為南關重外

洋越南議歸法人保護則鎮南關以外即西洋矣

九月十四夜枕上口占 方瀛

欲歇未歇庭中雨似鳴不鳴街頭鼓枕上黃鶴忽飛來千絲萬絲起愁緒劍客思屠東海鯨將軍閑射南山虎老作平泉談笑賓江湖魏闕究何補長安上書三十年會向雲天振毛羽

廣南懷古 方瀛

蹋舞跳歌古鬼方將軍白馬有祠堂白馬將軍廟即儂智高也後有儂氏宗祠爵帥駐節於

此章編講藝王新建廣西文教自王陽明始銅面揚威狄武襄太守何年收

興國州志 卷三十五 詩錄 四十六

版籍土酋遺裔襲冠裳至今儂氏子孫尚襲土同知惟餘一事堪貽笑六十阿

儂作嫁娘智高為狄青所敗其母阿儂年六十餘逃至此地與土酋為婚

邊城曲 美靈軍也 方瀛

白楊蕭蕭圍野屋莽莽黃沙沒馬腹邊城三月草未青但覺濤聲湧平陸古來戍山今戍海詔起元戎下巴蜀急如星火盛如雲八千里外渡瀛渤長城月黑咽清笳滄海雲開飛大纛南中子弟好身手驍健不減朔方卒但聞岸側熊羆嗥不見水中鮫鱧觸平州號稱天下雄東京北京縮樞軸將軍休唱大刀環敵國聞名皆懼服嗟余弱冠客侯門年來感歎髀生肉即今又借籌邊箸鞍馬為



文差可速千駒伏櫪宵有聲萬士提戈晝爭逐蒐罷平原日未斜  
帳前分賜葡萄綠

道逢星使前赴滇粵各邊與法分界立碑有感方瀛

五雲捧節護行邊赤徼胡通島客船 聖代從來薄金玉 雲南五金

並產朝廷不措荒山何事權緡錢 鎮南關蒙自縣外均許法鄭

公高辨關南重博望清名海外傳我是人中老戎馬獨依長劍問

青天 邊地深林密菁絕徑荒山今乃呼曰海關為法人計恐亦無大利益真不可解

霆軍奉 詔撤防感賦 方瀛

富民新爵拜彤階從此休兵事亦佳畫界已聞揮玉斧 越南議歸法人保護

輿國州志 卷三十五 詩錄 四十七

滇粵各軍撤入內地守邊班師又說到金牌 霆軍以客兵遠戍軍食不繼奉旨全撤關門生入鬚

眉老 邊地瘴甚自大帥以下無人不病岑鏡吹高歌士卒皆 二軍皆慶

生還卻痛川湖年少婦家家猶夢瘴江骸 霆軍瘴故者三千文武將吏亦數百

自霆軍入滇以來川餉以道遠不繼兩廣制府張帥 之洞累

疏自請協濟此次撤防滇督岑帥 毓英 墊撥十萬粵餉又

解到十萬得以資遣惠及我軍多矣舟中清暇賦此誌感

方瀛

伏波南伐氣縱橫半日蒐兵半日程 當入滇時半日只覺荒山行

不盡可憐遺骨朽無名 時欠餉已五箇月疲困之餘加以重瘴宣



公深意調羣帥

鎮桂各軍皆由粵東協餉即關外劉淵亭軍門永福亦得分潤可謂公忠體國矣

蕭相宏

謀饋遠征料得北歸諸將士中宵秣馬亦歡鳴

霆軍凱撤余先航海入都營務處何伯卿觀察以詩贈行即

和其韻

方瀛

蓮城歸旆動秋風

廣南山如蓮花故名

見說葡萄入漢宮

時已與法人議和法之葡萄酒最佳

記得來時冰雪路蜀雲黔樹幾千重

談兵虎幄已經年總讓軍諮祭酒先

今之營務處比古之軍諮祭酒

宗澤有書三

請戰五更燈火尚籌邊

議和時爵帥累表請戰

癸未七月望後由通州舟行至津書所見

方瀛

興國州志

卷三十五

詩錄

四十八

九陌紅塵媿客顏扁舟偶對水雲間推蓬一片嵐光落知是

皇陵東去山

儀部人歸駕部來

文武公車往來絡繹

黃金百萬橐空回科名畢竟成何用

閉煞中原文武材

紫竹林感事

方瀛

斷堤積水帶平沙荒塚纍纍夕照斜借問春光在何許綠楊紅杏

賈胡家

耗盡中原有用錢海西奇巧勝年年惟餘天庾如珠粒猶認江南

第幾船



紫竹林邊互市場連雲樓閣現西方而今士女增知識不禮禪堂  
禮教堂

寓天津口占

方瀛

海上聊為客萍蹤又雪泥孤衾鄉國夢殘月市門雞豸署多章疏  
鼓宮正鼓擊罪言如可採願與牧之齊

大沽雜詠

方瀛

無邊斥鹵帶平沙茅屋連村兩岸斜借問生涯何處是紅旗一片

海舟家

沿海居民多操舟為業

尾臨碣石首崑崙異域何嘗許問津九萬西天俱在眼潮來潮去

鎮國州志

卷三十五

詩錄

四十九

送飛輪

犄角連營鐵壁高一軍獨抵海波濤健兒校罷渾無事閑釣鯨魚

付晚庖

望海東諸山

方瀛

採藥何須兒女身天心特許闢東隣三千如有思歸者只怨徐生  
莫怨秦

由大沽至烟臺口占

方瀛

零星諸島峙中央山外青山洋外洋絕似故鄉湖上過白鷗無數  
傍人翔



暮泛碧湖

柯冠時

一葉扁舟十里湖  
輕波蕩漾曳菰蒲  
漁歌遠唱秋風晚  
帆影斜收落日孤  
瑟瑟蘆花迷獨鴈  
蕭蕭柳樹感啼烏  
忘機却羨閒鷗侶  
兩親人來往俱

湯公尖

在厚嶺山與顏山對峙

陳希邁

壁立開翠微  
烟潏抱疊嶂  
石磴躡雲根  
隱約變萬狀  
風高摩松頂  
層層捲碧浪  
萬壑下平蕪  
鏡空迷色相  
攬勝豁我懷  
曠朗洗塵障  
顏山雜詠

陳元櫬

虎踞凌吳楚  
東南一黛煙  
鳥飛多在地  
人到半依天  
兩岫如雞鬪

興國州志

 三十五 詩錄

五十五

羣山似蠃旋  
此中堪枕石  
何事誤流年

絕巘隨人起  
攀蘿一上躋  
磴容雙屐窄  
天抱四山低  
雲霧飛常墮  
陰晴望不迷  
臨風虛咳唾  
沈響答崖西

富川樓送楊子皋太守赴鄂即用留別原韻 劉 灼

曲唱陽關三疊聲  
滿堤官柳繫離情  
何時更翦西窗燭  
風雨瀟瀟話鄂城

題菖湖釣雪圖

柯奎斗

湖天黯淡水雲浮  
戴笠披蓑古渡頭  
七尺竹竿垂嫋嫋  
無風波處一漁舟



秋晚眺富川樓

徐 礪

登樓無語問荒煙颯颯西風似去年  
暗卷霜華侵岳鬢高排鴈宇  
拂雲箋露凝草影連山淨月濕鐘聲落水圓  
一片愁心何處寄星槎載向斗牛邊

石屋泉

柯景涵

百疊峯高擁翠堆雲中石屋小蓬萊  
不嫌深澗清流去只恐泉聲引客來

過甌甌洞遺趾

唐鍾庚 通山人

森森柏影老雲間洞口苔封石碣斑  
幾點青燐風雨夜猶同元美

輿國州志

卷三十五

詩錄

五十一

哭椒山

題曹朴臣竹隱山房

劉漢杰

處士好觀梅可能和羹否先生不折腰  
門前偏種柳異哉所好戾所為徒託空  
言娛詩酒何如此君節挺然正直之氣  
摩雲天虛心應物是我師小大叩之空空  
焉所以避俗人醫俗斯為近良友寒與其  
酷吏暑全屏生來臭味本相符覓得山居  
號竹隱

紀災 道光巳酉

石建點

瑤宮勅下豐隆泣蹴踏獰龍驅海颶鞭  
霆撼地地欲翻破山飛雨作山立蒼黃  
艤扁那能施屋上呼號如鳥集濤頭欲  
折忽喧騰千



家並作蛟蛇螫於時五月雉水東溺人纍纍不可汲崖巔樹杪愁  
才遺標擗無歸堪於邑我聞驚輟紫芝歌郡國不盡長安叱欲排  
閭闔訴羣疴九關雙闕魏嗟峨願借壯士如夸娥揮曦獨挽魯陽  
戈隻手障盡東懸河口銜封章馘天鼓卻恐神物來搗訶我鄉歷  
載無潦患溪澗亦復陵陂陀室廬倒塌禾苗沒轉愁性命隨盤渦  
帝心由來覆無外得非汝輩干天和近聞按驗勞州牧對此能無  
涕泗沱日暮啾啾萬鬼哭吁嗟奈此遺黎何

月夜登七峰山

咸豐癸丑

石建點

瀕氣蒼茫接太荒欖槍猶自閃妖芒長鯨跋浪腥南土飛羽連雲

興國州志

卷三五

詩錄

五十二

動朔方涕淚幾曾聞買諠勳名何日到汾陽夜深極望迷吳楚白  
月如霜冷戰場

喜官軍逼武昌

咸豐甲寅

石建點

誰向洪濤割怒鯨傳聞曠騎近江城愁來獨自停杯語喜極無端  
遠屋行散黨諒知關大計同仇應不負先聲書生何事偏無賴笑  
擲毛錐苦論兵

俠客行

石建點

男兒二十無堅對結客傾家多意氣腰間寶劍萬黃金那有人間  
不平事華堂昨夜綺筵開高燒銀燭照金釵朱履三千誰得似座



中爭捧葡萄杯酒亦不能吐言亦不能茹湧身拔劍斫庭柱躍馬不知何處去

憇十八折山亭

在百福山東

陳賓寅

行經十八折峭壁晃嵐霏路引千盤入泉流衆壑飛聚雲榕葉重過雨蕨苗肥偶向山亭憇晴光轉翠微

興國州志

卷三十五

詩錄

五十三